

瓊州府志卷之三十六上

人物志七 篤行 元 明 國朝

林友仁瓊山人郡知事材幹賢能有隱德 元

明

吳伯雄瓊山人有材能洪武間出仕歸隱居閭里

課蒙養晦不趨權力 賈志

邢貴文昌人永樂乙酉鄉薦任沅州訓導宦歸以

儒禮訓誨鄉人喪祭絕去俗尙經明行修人皆

師仰 蕭志

鄭信瓊山右所人力學篤行設家塾教子弟二子

俊傑皆業儒俊隱居傑以賢良方正薦授崇安

瓊州府志

卷三十六上 人物 篤行

縣丞仕至廣西僉事 黃通志

謝寧臨高人登宣德乙卯賢書任福建寧化訓導

年四十致仕王佐爲之傳曰性謙而滑稽遇鄉

里無少長皆降禮常牽一欵段自隨道遠力乏

則乘之稍息復徒步有盜其禾者他人縛而致

之遽釋其縛謂曰君饑乎然別有處饑之道此

非君子所爲也厚賜遣之其人感愧不復爲盜

臨高志

李珊瓊山人成化丙戌進士授行人使占城賜從

二品服選南京福建道御史陞廣西僉事整飭

柳慶兵備詩文敏暢有古愚集 牛志

梁繼瓊山人成化癸卯鄉舉任徽州府推官改嚴州俱有政譽卒於官狀元唐皋挽以詩練水無聲存舊澤桐江有恨入驚湍所著有竹溪集上同

王公遜字時敏澄邁庠生端方正直見義勇為家

頗裕饒族隣每待以舉火歲荒捐穀六千五十

石助賑有司奏聞奉旨獎勞敕建尚義坊澄邁志

吳璿澄邁人成化壬辰歲荒當道檄令捐賑璿慨

然出米三千斛以濟畧無難色郡邑重之及卒

武昌推官周賓銘其墓

李大鵬澄邁人恩貢幼貧失怙恃年十四始知書

從郡庠士郭同山游授以經義郭嘗試之曰吾

瓊州府志 卷三十六 上 人物 篤行 二

知爾貧束脩不計也他日何以報我對曰傳師

之業廣師之惠他日授徒亦不敢計束脩是為

報耳後由貢選歷榮邱教授恬淡自甘取與不

苟族弟無居讓宅與之路拾遺金還其主郡守

徵為鄉飲大賓辭不至節推張材造廬禮焉清

標雅望沒世猶存俱同上

唐朝允字邦儀儋州人早孤性剛毅克自樹立嘗

從儒士梁成學勇於從善知無不為州牧陳永

時見學校傾圯議遷基改建區畫悉出朝允宏

治辛酉符南蛇亂朝允率義兵堵禦一方賴以

安有故人托金二十兩已為賊掠及事平乃貸

償之終不言故正德間任桂陽訓導至則敷陳條約正風教作士氣同官有彭姓者卒於任親為視斂盡捐俸餘賻焉乞休歸儋州志

劉廷著字章甫定安人家貧力學躬爨事親少以

孝名研窮理學教授生徒瓊定登科第者多出

其門嘉靖己酉應貢北上遇故友張士毅之子

張希舜落拓京華贈資遣歸司訓南靖循循善

誘士子相慶得師未幾邁疾乞休諸生請留謝

曰職雖微安可以臥病為人師也浩然而歸邑

人士為之志去思焉孫銓歲貢有文名定安志

林鶚瓊山人少孤貧竭力奉母以舌耕為業人有

瓊州府志

卷三十六上

人物

篤行

三

貧負債者不取償年八十口授經書訓子及孫所著有別野集

陳高字宗陵瓊山人郡庠生天然仲子敦族睦鄰

訓育孤姪如子奉庶母如母兄被誣抵責高請

以身代晚年謝絕世務吟咏自適牛志

吳一元瓊山人邑庠生少孤事母孝時以詩文適

志年荒乏食經歷何應徵餽之銀米不受其守

如此同上

許伯良澄邁人仗義喜施初為義寧訓導歷綏寧

敦禮教肅學規門下有鬻女者代贖之值歲荒

捐俸埋殍骨卒於任祀綏寧名宦賈志

邢文成字道蘊文昌人守正不撓尙義好施業儒
不售然好學篤行至老不倦厚延名師教子傾
家不惜子裔昌舉於鄉祚昌成進士

楊彥字兆東儋州人萬厯初偕薛通考貢督學以
通年耄文劣屬意於彥力辭不就友人翁正思
省試卒爲經理其喪扶櫬歸葬以歲貢任合浦
訓導厯南康教諭湖州教授致仕歸一肩行李
清潔自持舉鄉賓十有七次卒年八十三祀州

鄉賢

儋州志

國朝

李說字言兌瓊山人膺歲薦鴻才碩學遠近求詩

瓊州府志

卷三十六

上人物

篤行

四

文及草書者屢滿戶外生平無疾言厲色藹若
春風而望之儼然有先民軌範卒年八十

蕭志

王疑機號問溪瓊山人康熙間歲貢品端行潔善
詩文工草書邑乘殘缺獨有志修明搜討編輯
多出其手年八十餘方瞳皓髯吟咏不輟飄飄
有出塵之概

周熙朝瓊山人澄邁歲貢少穎悟能文溫柔敦厚
孝友兼至遭父喪鬻產營葬一遵古禮胞兄熙
輔貧推已田產奴僕遺之無所吝

黃含宏瓊山庠生素履無玷行誼可嘉母病朝夕
不離側撫姪如所生族戚有貧乏鬻子者捐金

代贖曾修南渡墟岸立頓林渡船以濟人利物
爲志

林昌煜字昭生文昌人歲貢素性儉樸禔躬謙謹
司訓海康獎勉士類署邑篆清白自持雷有二
蘇祠捐俸置香燈田雷人陳瓊有記

陳用楫崖州人康熙癸巳副榜沉靜端方謙恭接
物潛心經史成就後學與昆季五人咸稱友愛
鍾世聖字師百瓊山附貢性純篤少失怙事母竭
誠以承色笑讀禮哀痛毀瘠與人易直和煦善
於勸諭里黨雀角得一言而解嘗倡修濟衆迎
恩迎龍各石橋呈請疏鑿白沙河以便舟楫稱
瓊州府志

卷三十六上

人物 篤行

五

利賴焉

吳永泰定安庠生爲人淳樸性慷慨康熙年間捐
田二十丁入義學爲多士膏火資至今肄業者
賴之

邱璣字衡之瓊山歲貢文莊裔孫能讀祖父書乾
隆十二年銓保昌司訓以母老告終養後補徐
聞教士以敦行爲先幼時聞所居爲形家稱美
語乃祖曰一家好不如一族好曷不爲邱氏宗
祠耶祖從之生平見義必爲持躬清白一時當
道稱其不愧名賢之後

王元翰字蓋林臨高人乾隆己卯副榜爲人謹厚

敦善行姪媳某氏孀居爲之立嗣分已田以贍之成其節家被竊賊曰此王老物也私負其物以還元翰慰勸之賊愧悔爲良民凡修廢舉隆悉捐囊爲之倡

吳福字綏之瓊山人賦性敦厚門以內無遺憾尤好善樂施建宗祠置義田立社學凡力能任者無他誘族有盲女二各給奩金三百兩爲之嫁子位和博羅學博孫典翰林院編修 贈如孫官卒年八十一人以爲盛德之報云

王必聖字愚若瓊山人庠生質淳厚母周氏嚴肅有不悅輒長跪承歡生平簡默自守望之令人

瓊州府志

卷三十六

上

人物

篤行

六

生畏鄉人稱爲忠誠長者尤嫻於詩有萍逢偶帙遺稿

林嘉模瓊山人年十一有盜劫其家擒傷其父嘉模追里許攀樹巔大聲呼救鄉人出援之父得無恙鳴之官盜伏誅居恆恂謹自持至老無非議之者

俱蕭志

莫燦錦字綱心定安人順治間拔貢少以孝友聞爲人深沈慷慨鄉黨有不平得其片言立解邑素苦役累錦劄議均徭鄉人至今德之值歲饑施米賑粟全活甚夥恤孤貧修橋路尤究心儀禮里中吉凶諸事必躬爲指示人服其訓

縣志

王懋曾字沂元定安歲貢生明尚書宏誨曾孫少
遭兵燹孤苦流離卒能復其先緒爲人雍容儒
雅工吟咏力行善事創宗祠置祭產修橋渡不
惜重資同上

謝瓊猷澄邁人康熙二十年父元明被賊楊二等
傷其首血流肌腐瓊猷以口吮之竭力調護得
活兄歿撫猶子如已出置產業令子與二姪均
分當寇亂時族人逃散瓊猷獨身當大役寇平
招族還鄉衆咸德之縣志

王時炯字晉予樂會人康熙庚午鄉薦爲定襄令
秉性孝友服官廉明惟恐速謗以貽親憂勤撫

瓊州府志

卷三十六

人物 篤行

七

字緩催料食其德者比之召杜涖任九載行取
入爲主事士民建生祠立碑以誌遺愛樂會志

程鵬字雲際定安人康熙癸酉鄉薦家貧好學淹

貫經史天性純篤所獲脩脯悉以奉親贍弟父
沒後奉母命唯謹族人貧不能就傳者極意教

養與諸弟友愛尤篤季弟鶴亦博學能文家居

城市足不履公庭有司咸高其節地方要務多

造廬商確學使陳惠華表其門曰瓊南端士縣志

林湖仁字帶五文昌人乾隆丙辰舉人少孤貧力

學通大義性情冲澹與物無忤嘗被辱於市不
與校其人自悔踵門謝罪卒爲感化遭兄喪或

勸應試湖曰功名所以顯親苟忘吾兄何以功名爲竟不試嘗主本邑講席教人以品行器識爲先沈邑宰艷不時過訪語不及私宰甚器之莫絃號紫峯定安人充澄邁恩貢跬步謹飭辭氣溫和鄉黨有不協者得一言無不帖服乾隆辛酉偕貧友吳正栗赴秋闈試畢歸途病劇絃爲奉湯藥調護至家乃死壬辰大水村中廬舍漂沒絃煮粥賑之活者甚衆修家乘睦宗族性恬沒不樂仕進惟以讀書積善爲事年八十四卒以子景瑞任知府贈如其官

曾允俊陵水增貢生天性純厚一門雍穆文章品

瓊州府志

卷三十六

上

人物

篤行

八

節士林所宗輕財好義捐建祠宇乾隆元年舉孝廉方正給六品秩卒年六十有八子書拔貢官開建教諭亦以學行稱

阮通志

林士正文昌人五歲失怙恃教養依於母舅性敏悟弱冠入儋州學累薦不第家益窘芋羹藷粥或併日而食仍手不釋卷不自知其窶也居室湫隘誦讀每在叢竹下間字質疑者多攜榼裹饌就竹間士正或以蔬食菜根餉客談坐竟日陶然也士林以安貧好學稱之

採訪冊

邢璣文昌人歲貢生風範端凝居心敦厚有從姪自市夜歸受傷卒於道姪屬含冤鳴官久不獲

犯擾累無辜璣力勸其家呈縣銷案隣里德之
偶途中遇盜詰之盜曰爲窘迫耳璣諭以大義
且助之貲盜感泣竟化爲良邑令伍重其學行
延主義學講席髦士多出其門同上

覃瑋猷本姓王字振素會同人充樂會歲貢任普
寧訓導秉性和厚立品端方嘗捐已貲以建宗
祠族中子女無依者爲撫養婚嫁墳墓無嗣者
爲修築掃祭乞休歸囊無長物年八十而終

楊景山字仰齋萬州人弱冠登乾隆辛酉賢書癸
未成進士出宰崇義誘獎士類軫恤民艱解組
歸士民餞送三十餘里生平不治產業惟以詩

瓊州府志

卷三十六

人物 篤行

九

書課子孫至老手不釋卷嘗修學舍建書院事
關名教必汲汲爲之卒年七十三

韋之瑗號遠伍樂會人由拔貢領乾隆甲子順天
鄉薦授稷山令建思文書院擢知寧州又建泥
陽書院多士德之遷洮州撫番同知值回部謀
逆督率番民防備周密人賴以安

王元侯字承弼澄邁人乾隆癸酉鄉薦見聞賅洽
淡薄自甘由保昌教諭擢陝西洋縣令豁除雜
稅士民咸悅去任日闔邑紳民泣送數十里

莫景瑞字輯五紘長子少工文詞書法弱冠選拔
乾隆甲午登賢書以教習期滿出宰慶元廉潔

自愛擢知趙州屢以捕盜功改順天東路同知
遷大名知府攝巡道事嘉慶癸酉以滑縣教匪
滋事望吏議落職杜門不出以清白世其家年
七十九卒

莫景環字象五定安人景瑞弟孝友持躬詩文清
逸以優貢生任潮陽訓導春風和氣待士甚厚
潮俗械鬪當事每令景環下鄉勸諭多有解散
者未滿任高尚致仕歸家居創建義田族黨事
咸待部署論事和顏易色而聞者悅服年七十
事老兄嚴肅如父里黨重之俱同上

楊士鼎字龍文萬州人父名山歲貢督修學校造

瓊州府志

卷三十六上

人物 篤行

十

仙河石橋士鼎由拔貢舉乾隆庚子鄉薦歷香
山三水教諭調欽州學正遷潮州府教授多士
景從成就者衆重修萬安書院建文昌魁星樓
卒年七十有六

陳琮字達權瓊山人敏悟好學爲文有理致九赴
秋闈屢蹶愈厲乾隆丙午魁鄉薦丁未聯捷進
士選授陝西淳化縣知縣邑故磽瘠習尚樸野
與民安之以不獲上官意罷歸

吳瑾字懷齋瓊山庠生居心平易處事精明援例
授陝西潼關廳同知時西陲用兵軍事旁午境
當衝要瑾奉委司糧運前官多派役民夫或苛

斂富室悉爲革除不擾民不虧帑每出家資以
辦公陝民呼爲菩薩云

採訪
冊

李賴予文昌人性抗直不詞色假人以信義重於
鄉里由歲貢爲保昌訓導與諸生相勵敦品學
既致仕囊無餘貲家徒四壁手織竹器爲生計
陶然自得未嘗少屈挫居恒出入必布袍束冠
肅如也年九十餘卒

黃能振號存愚文昌人以明經授四會訓導口不
言財於門下士多所成全任滿致仕歸足迹不
到公門爲人寬厚退讓寡言笑和粹之氣達於
面目橫逆之來受之不報自奉極約有公舉如

瓊州府志

卷三十六

上

人物

篤行

士

建學宮修祖祠及飲助貧困必竭力不恡教人
含容巽順生徒日聚其門邑人僉稱盛德云

王德馨號惺齋文昌歲貢年弱冠以文行爲邑令
衛希駿所器研究六籍尤深於詩文詞蘊藉爲
人厚重深沈練達時務不爲無用之學里中事
無鉅細必質之馨部署悉當然不自炫露足不
登長吏庭族中自宗祠塋墓譜牒咸修理置祭
產贍乏勸學皆賴焉學者稱惺齋先生

曾日景字介昕允俊孫貌魁梧奇偉能文工書法
由拔貢領乾隆戊子順天鄉薦充教習期滿授
直隸保定知縣捐修學校置新鎮書院膏火愛

民養士以母老乞養歸服闋還任歷署通州霸州卒於任生平樂善有爲如修學校纂邑志建宗祠輯家乘皆竭力成之

雲崇維字道樞文昌增生貌清臞若不勝衣事親能愛敬待諸弟和藹中恒相切劘家素貧恬然安之吉凶酬酢敦崇古禮俗多淫祠歲時迎神賽會男女雜遝失業耗財維與諸弟取神像火之衆大譁或怵以禍不動自是邪氛漸息當道以詩文獎之邑族公事必推肩任或有牴牾爲排解嚴訓子弟惟以禮義清白是勵大吏舉孝廉方正辭不就著有除邪編並儀禮雜著等書

瓊州府志

卷三十六上

人物 篤行

三

卒年八十二四弟崇緒字道昌凝重如其兄而圭角渾然安貧守約人稱二難

石含章感恩歲貢素行端正居鄉能排難解紛嘗稟請當路勦除賊匪陳有振等不惜捐資不憚勞苦爲地方鋤暴安良故鄉里欽服

林開侯感恩人廩貢官訓導歷署茂名石城電白教諭栽培士類所至不肯妄受一錢家居時嘗捐四百餘金倡修學宮又造六甲冲橋渡修臨高田官道人稱好義

林桂瓊山人乾隆己酉拔貢善文詞書法歷任吳川從化花縣學博爲人坦率瀟灑兄秀亦有聲

庠序

李恒暢字茂春澄邁庠生好學敦行少失怙事母孝其兄負債以已田償之建宗祠修橋道族叔樹元孤貧失學恒暢極力周助使就外傳卒以成名後叔以選拔歷任仁化教諭欽州學正清鎮知縣恒暢有力焉道光元年以叔之子恒謙官 勲贈宣德郎

陳玉書字麟徵昌化歲貢少孤貧力學尤敦實行任長寧訓導廉介自持訓諸生必舉古人成憲以示之年七十八卒於家

林開溥文昌人性勁特自十四五時即能擇師友

瓊州府志

卷三十六

上

人物

篤行

十三

銳志學古人見善必爲絕惡必力事親甚孝謹善居喪與諸昆友愛無閒言爲文深警直造古人堂奧辛卯鄉試卷旣薦主司賞其清挺拔俗竟見遺溥益厚自刻厲不少懈年三十二夢與人觴詠曰君愛梅花吾愛酒與君談笑過西湖竟以是年卒士林惜之

俱同上

宋

吳必大萬寧人號碧溪力學篤行嘗有商人失鈔一束於江邊顧而不拾待遺者歸指還之時稱

卓行云

戴通志

明

唐英瓊山人舟之父博通經史百家之學嘗築義學教鄉子弟十餘載不計束脩人號其居曰東善外戚有馮姓者立券假白金五十市馬入驛後負償英焚券不較歲饑甘餽粥盡所有以賑饑者後生子舟為監察御史

牛志

瓊州府志

卷三十六

上

人物

卓行

古

梁偉澄邁人仁之弟好施與族有孤貧者嘗買田周給皆致成立河中有漂流死屍施棺捨地權葬鄉里貧窮值歲凶歛則施與稻穀至老積善不倦暇日則詩書自娛享年八十

牛志

鄧文善樂會人好施予遇暴露屍即掩之有本縣知縣周泰者始至任卒其子幼不能昇歸文善為葬於己祖塋築室處其母子送就學後子仕

興府典膳

牛志

邵銓字君衡崖州人宏治乙丑待試南省有昌化人時姓者寓京告囊罄銓憫之而不能濟乃介時詣同試生假白金數十兩約抵家償之後時

竟負約銓慨然傾已貲以償全無難色同上

楊秀瓊山人女為車傭唐佐牛逸輾死官擬依律

罰贖佐鬻牛及女以辦秀聞哀之曰吾獨一女

不能攜養且死矣我罪也安用贖金竟不受賈志

蒙端字德範瓊山庠生素有行義辛未三月海寇

犯村挈家奔散有余達者其妻持包袱裹銀肆

拾兩及餘物匆匆失之端後至得之數日知失

主姓氏當官完繳疑獄盡釋分金酬之端力辭

不受其居家以禮孝友無間云海忠介集府縣扁其

門曰喻義牛志

陳宗昱瓊山人喜施諸伯仲賈而遊者率倚辦資

瓊州府志 卷三十六上 人物 卓行 十五

斧宗人無凍餒者或以不能葬不能娶告即周

給之嘗代從子償逋初不令知之蓋富而好行

其德者家有海艘取魚網得番貨悉令輸之官

人服其識郝通志

吳宥字原之瓊山人性資醇謹少孤哀慕終身事

孀母怡色就養寢膳必躬家素窘處之晏如隣

人侵所居地慨然義讓或詰之則曰子孫若能

安守縱地窄而心亦寬里中高其行誼卒年八

十有一賈志

吳涵瓊山人郡庠生行已端方取予不苟有同廂

陳可英借彭某銀七十兩貧乏不能償彭訟之

官英窘將自經涵知之盡數代償有友調塘都
陳閻往任省親密寄銀一百兩舉家不知也後
閻暴卒涵持原銀還其家函封未啓

阮通志

唐惇瓊山人少遊郡學仗義好施富而循禮嘗道
拾遺金召原主還之棺葬枯骨米給孤貧府縣

旌爲義士

同上

許富字世謙瓊山人少孤撫於伯氏性端慤無妄
言戲色伯卒歲時必列考共祀妻母蘇氏同居
三十年事之如母隣人有竊入其後園伐樹者
富見之却回謂家人曰吾恐其驚墜也終不問

其人

牛志

瓊州府志

卷三十六上

人物

卓行

十六

梁廷棟瓊山人性簡靜素朴平生無疾言遽色家
徒四壁處之晏如盧虎人吳基偶中衢失貨兒
贖緩金三兩棟拾得其人尋覓返而還之鄉人
構訟力勸和解衆服其義

林兆一字啓誠文昌人邑庠生秉性嚴而與人謙
和幼服庭訓惟謹異母兄弟四人怡怡如也與
張還虛爲道學交見義必爲如修宗祠葺書院
皆自捐貲竭力成之人服其篤信

俱同上

程國光字用賓定安人由會同歲貢授六安州吏
目以廉能稱敦孝尙義與人和易曾於邸舍中
拾遺金百餘守待其人歸之世稱長者年八十

卒子一林以歲貢司訓雷州勤課恤士諸生德之所著有尙友錄

定安志

王暹字慶源樂會人歲貢事母吳氏以孝稱崇禎中郡守南有臺核實以聞旌舉孝廉爲人德性溫雅嗜學篤行與伯氏遵友恭無閒言族中賴以養育者甚衆晚置別業題曰來青環蒔花藥以自娛尤好善樂施嘗捐修邑西文磬石橋十餘丈石路二里許並會同山竹樹石橋定安黃竹營石路爲郡東諸州縣孔道至今行旅稱便

樂會志

廖元勳字欽若文昌人邑庠生秉性剛直不阿時

瓊州府志

卷三十六

上

人物

卓行

十七

賀沚爲邑令與林有鶚有鳴兄弟創建玉陽書院遇有公事義形於色雪鍾吳氏枉死之冤全清瀾華氏之墓周旋友人姚生之貢又議設通縣夫額省每歲差役之擾以義倉羨餘銀置田贍科舉費皆見施行壽九十餘歲而終

文昌志

曾廷策字伯射號層城儋州人弱冠遊泮負笈從

師發邱文莊公藏書肆力於學名人奇士虛左遜之敬事二親喪祭必循於禮友愛兩弟課之甚嚴父歿後不忍與弟折箸同爨終身屢蹶秋闈僅與兩弟後先同貢

賈志子開別有傳

國朝

陳開潢瓊山人由拔貢中乾隆壬申鄉試工詩文尤篤於行幼聘王氏女爲室後女病廢外氏以壻業成名請退婚開潢惻然曰此女不我歸將無所歸矣急娶之鄉評以爲難蕭志符開爻字采璧瓊山人性淳厚兄歿撫姪如已子祖業悉歸之不爲已有檢貧者借券焚諸火與廣州客某交易遺金五十兩越年客至舉還之客感泣而去

高裔昌瓊山人家素貧嘗路拾遺金二十兩坐守至晚失金者踉蹌四覓驗實付還絲毫不取卒年七十有五

瓊州府志

卷三十六

人物 卓行

十六

蔣桂芳瓊山人樂於義舉康熙年間城北天寧寺等處多寄遠年無主棺骸桂芳一一安厝埋葬嗣以獨力難支集同志十八人捐貲施濟卒年七十有四俱蕭志

雲志高字載青文昌人少失怙七歲遭亂與母相失渡海而北稍長服賈獲奇贏喜濟人急踵門求助者無虛日會計之餘涉獵琴書輾轉三十餘年始歸母幸無恙在家建祖祠修譜牒學宮義學皆力任之所居雲莊渡築石爲承先橋費數千金志高以一人集事羊城育嬰堂諸公舉捐貲皆以千計著有家譜並蓼懷堂琴譜諸書

傳於家

陳尚鏐號素菴崖州人拔貢生平手不釋卷尤喜
誨人歲饑嘗煮粥以賑貧士婚喪難舉者助之
有廣客向尚鏐孫買沈香值五十餘金尚鏐知
之遣家人追及於二十里外還其值蓋香中多
夾朽木孫既誤買不欲轉誤他人客感謝而去
其長厚如此

州志

鄭之玠澄邁庠生尚義好施康熙六十一年捐資
在那留坡築堤開溝引水灌溉遂成二熟腴田
計數百頃鄉人至今德之

縣志

黃大璋澄邁人增貢生勤學勵行歲饑施糜以賑

瓊州府志

卷三十六

上人物

卓行

十九

有貧不能婚者助使聘娶捐建學舍修橋梁開
水利施棺掩骼皆無吝色

同上

符高位字謙以文昌增廣生仗義好施鄰人鄭某
將田宅售於位父未幾鄭家產蕩然婦子無依
位焚券還之偶適陵水途遇老嫗攜幼孩泣行
詢之嫗曰夫亡子歿鬻孫償債耳位出貲如數
給之嫗泣拜請姓名不告嫗他詢始悉迄後嫗
孫生子成立與位之孫院試郡城相遇偶詢及
之感念前恩偕至位家哭奠於墓里人始聞其
事學使並紳士均有額旌其高義

採訪冊

黃翔雁瓊山監生勇於爲善乾隆乙卯淫雨河溢

有玉夏馬坡二村水暴漲翔雁自操巨舟拯溺者晝夜不倦全活甚衆

吳玠字文侯號質齋孝行位和季子恩貢生嘗奉父命橐千金往雷州市穀以救荒米價遂平修舉廢墜體恤貧乏平生慷慨樂善施藥餌瘞暴骸又捐白金五千爲瓊山士子鄉會試賓興之費邑人德之卒年七十

俱同上

宋

黎子雲儋州人家居城東二里許昆仲貧而好學
 所居林木水竹清幽瀟灑學士蘇軾雅敬禮之
 嘗至其舍子雲每與弟載酒過從請益問奇日
 相親炙東坡詩寂寞兩黎生食菜真臞儒又元
 柳貫詩四黎善善君子類有欲辟舉者固辭優
 游田里率鄉人子弟以孝弟忠信人多化之壽
 八十餘

牛志

符林儋州人東坡重其安貧守靜謂之老符秀才

嘗過訪有詩序云海南人不作寒食而以上已

瓊州府志

卷三十六

上 人物 隱逸

三

日上塚手攜一瓢酒尋諸生皆出矣獨老符秀
 才在因與飲至醉詩云老鴉銜肉紙飛灰萬里
 家山安在哉蒼耳林中太白過鹿門山下德公
 回管寧投老終歸去王式當年本不來記取城
 南上巳日木棉花落刺桐開

同上

杜介之郡士也為高州司法真純野逸有隱士之
 風李參政光有詩贈之云南極多老人及見九
 代孫君生古崖州氣質清且溫今年八十一頗
 覺行步奔白鬚映紅頰疑是羲皇人

阮通志

唐文嚴字克寬瓊山人任迪功郎宋末隱德不仕
 建一亭名曰松軒日遊覽其中留意經史景炎

問翰林學士陳士徽薇省郎謝少敏抵瓊臨訪
合歡終日改其軒曰廣廡有詩相倡和云

黃通志

明

王懋字季成瓊山人惠之弟敦行善詩尤精於醫
濟人不責其報有薦之者辭以才短終身晦迹
年八十餘

戴通志

王宏字孟遠號蟄庵瓊山人少孤力學工詩文以
節母韓氏年老不仕開鄉塾訓子弟餘數十年
正統間大參龔遂都聞王清及致仕御史唐舟
輩遊靈山賦詩宏以布衣與列時人高之邱濬
誌鄺俊墓有云吾離家十八年城中諸老彫謝

瓊州府志

卷三十六

人物

隱逸

三

殆盡唯王孟遠鄺廷輔兩先生在歸然靈光之
在魯也

牛志

著有蟄庵集今不存

蕭志

王守敬臨高人資質純厚好學多聞動循規矩里
人無間言參政詹冕甚敬重之正統間郡邑嘗
欲辟舉固辭優遊田里率鄉人子弟以孝弟忠
信之行人多化之

戴通志

趙璟字伯輝武衛胄子安貧樂道環堵蕭然吟哦
不輟嘗與薛尚書繼遠邱學士濬友善時接談
笑每傷其妻父王霜筠家多書籍而後無能讀
者因收藏寶蓄用資諸人以故薛邱二公多得
觀覽皆以學識爲海南名賢璟有助焉

賈志

黎瓊字去瑕瓊山人博通五經有聲庠序將領貢
悒悒不樂遂棄舉子業製隱居服足不入城市
以讀書自娛有咏大學兩關詩曰人於險處皆
能越抵死不來打此過有箇真能打過去試看
光景竟如何門生梁維贈詩有云道心正直殊
時俗老屋傾欹有古風一種鬢毛春雪白五車
經史夜燈紅蓋實錄也有司請爲鄉飲正賓不
就年八十餘卒牛志

王用之字有行瓊山人幼通經史晚敦禮節屏棄
塵囂日以詩釣愉志蕭志

王濬臨高人隱居不仕所著有儒林一覽集邱文
瓊州府志 卷三十六 上人物 隱逸 三

莊甚服其博蕭志

吳濬澄邁人早登鬢序不樂仕進肥遯自娛退隱
於山谷中好接賓客遠近名士多攜琴載酒相
訪名其居曰雲谷並作出谷迎賓圖殷彥中爲
請序於邱文莊張汝弼有七言古風題咏澄邁志

莫盈字禮謙宣寶五世孫少補邑庠勵志舉業博
通經史晚志不遂日以詩酒自娛口不談非禮
之言行不爲非義之事訓誨族中子弟一若已
子不受脩贄屢舉鄉賓年踰八十定安草志

吳覺瓊山人誠之子以歲貢任靈山訓導性篤孝
友學瞻詩文有安貧樂道之致郡守吳尙友匾

其廬曰世德清風年八十二卒牛志

王振瓊山人元千戶助四世孫博涉經史徵辟不

就壽八十一同上

陳文賓瓊山人謙恭簡素鄉居足不履城市好施

與有喪不能舉者助之子極舉於鄉牛志

曾沂澄邁人儒雅宏博號幽求子當道給冠帶詩

章不受所著詩有寵錫也知章服重邀遊自覺

野衣輕之句同上

黃叔巖定安人其先黃巖人父寓定安因家焉叔

巖自少端慤無妄舉動凡事執禮有古人風屢

次辟舉固辭不就壽七十五蕭志

瓊州府志

卷三十六上

人物 隱逸

二

梁必強瓊山人萬厯甲戌進士任晉江知縣恬退

歸休設館造士著有滄浪集牛志

李伯林定安人安貧守分不求聞達嘗取古書誦

之有所得則拍案曰人生貴自適耳何須以軒

冕為桎梏耶門前有巨榕蔭數畝恆暢飲其下

鄉里耆碩每過必挽之偕醉海瑞王宏誨慕其

高隱時造廬相訪至則蔬食豆羹盤旋累日二

公益重其操定安縣志

雲名山號靜野文昌人穎悟好學以貢為西寧新

興訓導歸築月浦新居闢霞洞石室以資吟咏

年九十餘猶手不釋卷嘗得瓊山唐博士秘法

祈禱立應弟名元亦耽味道書年三十六卽棄
青衿偕隱邑令賀泚表其隱德學使者給以冠
帶不受兄弟俱至上壽郝通志

雲朝漢字倬我文昌人膺歲薦不仕居平與人無
忤教授生徒邑髦士多出其門賈志

林希高字廷遷文昌邑庠剛方有守以養親不求
仕進棄舉子業擇雅淡同志者七人爲七逸友
咏歌自適屢舉鄉賓不就同上

國朝

洪其仁字天如瓊山人生平坦逸瀟洒工行楷篆
隸尤長於圖繪年七十餘構一竹莊咏歌自樂

瓊州府志

卷三十六上

人物

隱逸

三五

賈志

雲士文字而章號默菴文昌人秉性醇厚端方自
持耽古書淡世味人以爲三代遺直蕭志

鄭如琨字美玉瓊山廩生篤志詩書雅善歌咏早
年恬退不屑膺貢優游林泉欣然有自得之趣
年八十餘卒採訪冊

宋

黎伯亨崖州人盧多遜嘗稱為幽人處士牛志

黎威

黎徽

黎先覺皆黎子雲兄弟蘇東坡在儋耳有被酒獨

行徧至子雲威徽先覺四黎之舍詩見藝文葛方

立詩四黎善善君子類是也牛志

黃中

羊萊皆年九十餘郡以名聞並授初品官輿地紀勝

元

瓊州府志

卷三十六上

人物

耆舊

二十六

裴預字時敏號守素居士崖州人瑞之孫天厯間

王仕熙與之友善有贈詩二首同上

陳舜道瓊山人初屯田府萬千百戶俱用士人民

甚苦之既革罷子孫猶有營充長官者舜道建

言革之賈志

沈公賜瓊山人撰呂統德教碑同上

明

陳尙瓊山人豪邁負氣貫通文藝蕭志

唐乾興瓊山人諳方子安禮守節善六書學

陳捷瓊山人父能服儒慕義助修郡學天順初捷

偕進士莊敬纂修郡志時名隱君子

符信昌瓊山人持行端方著有自修集上同

王恭瓊山人睿之堂姪安靜喜詩牛志

王纘瓊山人睿子所居有清溪釣磯詳樓閣下蕭志

周鼎瓊山人昇之兄讀書持敬兼通醫術上同

唐瑜瓊山人詳樓閣竹軒下子翮亦敦雅賈志

曾學確瓊山人修癸巳志

馮源瓊山人海之兄博通經史犯而不校上同

李世隆號道亨瓊山人少事儒業長習岐黃生平

淳謹未嘗疾言遽色五尺之童迎以善氣醫不

計貲素為當塗推重卒年八十有五牛志

潘濟瓊山人敦篤睦鄰賈志

瓊州府志 卷三十六上 人物 耆舊 二十七

唐文棻瓊山人鱗之孫孝友善詩

黃鈺瓊山人詳樓閣東皋下賈志隱居東皋李東陽

贈以詩蕭志

林養英博雅篤行校修郡志賈志

林遂澄邁人善書喜吟公門不苟入牛志

柯浩臨高人性行純樸好善不倦鄉人有鬪訟者

悲泣勸諭人皆從之生於元至元申午卒於明

永樂癸巳年一百二十歲上同

王政臨高人隱居力耕詩書訓子弟與物無競蕭志

韓真祐文昌人輕財好義重建文昌學明倫堂子

昇孫繼芳能世其德賈志

韓昇文昌人真祐子有德義言恐傷人行不越禮
一切世味視之漠然橫逆之加受之而已

林璋文昌人從邢貴學德義著聞鄉里重之俱同上

林用功文昌人年九十一長子世壽年九十三次

世奮世偉世隆各八十一季子世儁七十八孝

友仁壽藹然一門蕭志

黎方升會同人孝廉嗣盤之祖父醇厚義方善處

鄉黨授冠帶賈志

王昌允會同人積德修善周急焚券授冠帶

王瓛樂會人謙恭忠信輕利好施老而不替

馮宗崖州人訓導光之父以州吏護州及寧遠縣

瓊州府志 卷三十六上 人物 耆舊 二十六

印躬統民兵防禦倭寇境賴以安俱同上

李剛萬州人性好善捐白金百八十兩助遷州學

蕭志

王文字煥章萬州人篤學不售志益堅以名義自

持以耕讀教子孫當時士大夫高之造廬訪焉

同上棄舉業教子弟痛絕異端與物無忤賈志

馬仕彪瓊山人能詩設館訓誨武弁多出其門牛志

夏忠瓊山人訓導欽之父賈志

金貴瓊山人大學士邱濬之外父

王鵬舉瓊山人通醫術

曾義瓊山人有篤行

楊琦瓊山人有高行大司馬薛遠之外父

馬順瓊山人自姑蘇謫戍善詩

李忠瓊山人有操行上同

高節瓊山人有士夫氣象牛志

傅伯安瓊山人自寧波謫戍號梅軒版築翁賈志

李芳瓊山人舉人明之伯父善詩

薛善瓊山人遠之兄通醫

邵敏崖州人賢之子習道學

江洋崖州人與邵敏同時亦文雅俱同上

國朝

陳鳴珮字肖中瓊山人郡庠生器宇端重年八十

瓊州府志

卷三十六上

人物 耆舊

五

舉介賓蕭志

張有旌字惟孝瓊山人孝友端方壽九十餘

徐頤字慎之瓊山人幼敦孝友精於醫業郡舉耆

賓

陳之濬字爾淵瓊山人儒雅狷介年九十一舉耆

賓

黃廷輔字用襄瓊山人郡庠生性謙厚精醫學舉

介賓

李長春字景元瓊山人性坦易年八十餘郡舉耆

賓

唐有慶字章可瓊山人性尚敦睦年七十餘舉耆

賓

陳祥字毓涯瓊山人性朴誠壽九十餘日課子孫

舉耆賓

以上八人賈志俱作明朝人

陳宋第瓊山庠生守貧舌耕手不釋卷年九十康

熙十一年

詔賜米肉綿絹道府有清朝人瑞

旌匾

牛志

王豪瓊山人仁厚坦易年九十五矍鑠不衰康熙

十一年

詔賜米肉綿絹道府旌匾

紀公崖州人其名不傳年百有八歲牽牛力穡感

恩知縣金英遇於田間歎為無懷葛天之遺贈

以詩

俱同上

瓊州府志

卷三十六上

人物

耆舊

三

李志賢字巨峯瓊山人孝友能詩年八十三闔邑

公舉耆德子瓊枝澄邁學生員孫炳文恩貢生

賈志

周師成會同人好義急公守身約法友愛諸弟教

訓有成知府賈棠給以善行可風匾

蕭志

陳德齊文昌人年一百一十八歲無疾而終官給

百歲餘秋匾表其門

陳仲九文昌人年一百一十三歲妻黃氏一百零

七歲齊眉難老古來所稀

王寶鍾瓊山人有隱德年八十一妻吳氏一百零

三耳目聰明能步履子四人皆龐眉皓髮當路

給綿帛優之

謝又新瓊山庠生少失怙家貧舌耕生平醇樸不

欺篤志好學年八十手不釋卷子寶成進士

吳田慶瓊山人生平謙恭簡樸與世無忤壽八十

有五

吳義宗瓊山人椽吏樂善好施嘗捐築道耒橋造

寶蔭社學為鄉中子弟肄業

張健翹瓊山人性嗜學恂恂隱約不愧儒風士論

高之壽八十有三

周振瓊山人有至性為人謹厚謙恭素為里黨後

進典型壽八十

瓊州府志

卷三六上

人物 耆舊

三

紀廷壽瓊山人為人謹厚督修官路八十餘里所

居圖中廢市稅貽累力請豁之壽八十有四

潘爾倬號天章文昌人增生醇謹謙睦足跡不入

公門學使嘗獎優行年八十二

俱同上

吳宗美文昌人年一百一十三歲 國初土寇擾

攘宗美有謀畧鄉里多賴保全知縣何斌表其

門採訪

冊

蔡振瑚文昌人慷慨有智勇當鼎革時土寇蜂亂

振瑚出力集眾捍禦一方晏然壽九十五

同上

林顯名瓊山人敦龐謹厚守分力田雍正六年賜

八品冠帶

瓊山志

黎士標瓊山人世業岐黃能以其術濟人不計酬
金人多德之壽九十一

張步武瓊山人明孝子可載裔孫謹樸醇雅不與
閒事闔邑仰其端方壽八十六

陳友仁瓊山人性友愛撫異母弟友信延師訓誨
得膺歲薦鄉黨稱之壽八十一賜米俱同上

吳文明澄邁人年高德劭值歲饑捐貲賑濟壽近
百齡知縣馬炳贈以額澄邁志

鍾懋澄邁人少業儒晚絕跡塵囂屢舉鄉賓不就
壽八十而終同上

張基偉字厚齋定安庠生敦篤持躬友愛諸弟平
瓊州府志 **卷三十六** 上人物 耆舊 三三

生不出一欺人語不作一虧心事鄉里矜式教
子義方壽八十二斌以子岳崧官 誥贈通奉

大夫湖北布政使司布政使採訪冊
陳忠字文昌人性好善嘗為鄉人排難解紛遇有

投水者身已沉溺忠宇親為援救竟獲全活壽
一百有二賜冠帶

林其菁文昌人七歲喪父家貧未葬母每過殯所
必泣與妻盡鬻奩具營葬後夫妻俱壽逾九十

邢有哲文昌人年九十樂善好施嘗收瘞暴骸鄉
人稱之

林其秀文昌人年八十一嘗捐銀二百兩置義田

并捐己地以建祖祠俱同上

黎邦憲會同人嚴恪持已聞雅接人老成典型以

邑庠給冠帶會同志

黃揚名會同人忠誠醇篤教子義方知縣馬谷嘉

其行優禮正賓賜額獎之同上

王時焯樂會人嘗置田以奉先祀捐貲代完兄糧

援例縣丞壽九十四樂會志

黎楷樂會人監生嘗捐社穀百石又甃南門青塘

大路以便行人鄉人勒碑紀其事壽八十八

覃玉儲樂會附生性敦厚和鄰睦族壽九十四

張瓊位樂會附生敦和樸實壽九十二

瓊州府志

卷三十六

上人物 耆壽

三三

韋昌烈樂會人慎重老成壽九十六

王世栗樂會人居心公正好義樂施壽九十九

嚴欽南樂會人忠誠好義捐修挑牛路以便行人

壽八十五俱同上

楊秀春會同武庠生年逾八十猶善騎射嘉慶庚

午武鄉試馬步技勇合式督撫奏給正七品秩

並准與鷹揚宴會同志

鍾熙朝萬州廩生耽古書淡世味見義必為嘗出

貲築砌和樂墟石路以便行人壽八十餘萬州志

文爾珍萬州庠生壽一百七歲同上

王良蘊陵水庠生惇信誠樸善處族鄰年九十八

精神矍鑠陵水志

旌壽附

林天桂臨高人妻王氏年一百三歲乾隆三年

旌阮通志

王寶鍾見耆舊妻吳氏年一百五歲乾隆十四年

旌

蔡子何瓊山人妻莫氏年一百三歲乾隆十九年

旌

高涵瓊山人妻莫氏年一百二歲乾隆四十一年

旌

彭某臨高人妻吳氏年一百二歲嘉慶十一年

瓊州府志

卷三十六

上人物

旌壽

三四

旌

林某文昌人妻馮氏年一百一歲五世同堂嘉慶

十二年 旌

陳訓瓊山人妻吳氏年八十七歲五世同堂嘉慶

十三年 旌

林家達文昌人妻馮氏年一百歲嘉慶十四年

旌

吳元輔文昌人年一百六歲嘉慶十八年 旌

葉聲祝

採訪冊作華聲祝

文昌人年一百四歲嘉慶二十

一年 旌上俱同

王紹位文昌人年一百二歲道光十三年 旌採訪

冊

王雲魁瓊山人年一百歲道光二十年請旌
上同
王某澄邁人年百歲建百歲坊於新安都

瓊州府志

卷三十六

上人物

旌壽

三五

瓊州府志卷之三十六下

人物志十一 方伎 明 國朝

明

王懋字季成惠之弟洪武間由合肥來籍於瓊精

醫術治人不責報鄉里咸重之

叅瓊山志及舊志

周鼎瓊山人博通醫書尤精王叔和脉訣成化乙

未同知馬叔文按治抵定安病危迎鼎至診之

曰食冷物耳叔文連首肯曰先生固有見耶本

在萬州啜鹿血過多士醫誤以冒瘴治之以至

於此始服藥而愈

蕭志

王鵬舉瓊山人醫名著一時馬璿梁端皆名醫並

瓊州府志

卷三十六下 人物 方伎

出其門

薛善瓊山人精醫治療無不愈

陳文徽字允諧瓊山人善墨竹而秘其名凡見其

墨竹者皆知好之不知為何人所作

沙洪字文遠瓊山人從吳騎學豁達坦易善書大

字尤遒勁名聞遠近辭章亦足自達子廷梧汀

衛經歷楷書有乃父風

鄺海瓊山人傑之姪書法獨步一時點畫生動不

苟凡碑碣大書多出其手

吳宸瓊山人初遊邑庠善書為涂副使棐作義學

書院大字僉事何漢中見而深愛之

王做瓊山人善畫馬及花卉翎毛而繪像尤妙遊南畿有武弁眇一目者求圖其形做爲一目審矢狀以匿其短人服其機警

傅佐字秉忠瓊山人善小楷邱文莊著大學衍義補進呈稿及家禮儀節世史正綱學的諸刊稿皆出其手俱同上

徐美精醫術有節婦耿氏聞夫溺死遽閉門自經未幾夫歸而耿氣已絕美聞哭聲入視心尙微溫依法治之良久遂甦

郭守誨文昌人精醫術活人甚衆文昌志

林富華陵水人平生詠諧樂善以醫濟人所治無

瓊州府志

卷三十六下 人物 方伎

二

不效里鄰乏藥資者富華捐施之素爲田司馬宏祚所推重稱爲瘴鄉國手邑侯趙振鐸贈額云學究靈樞陵水志

國朝

王賓臣字敬而瓊山廩生康熙庚辰通志作庚申七月

赴高州考貢值大旱有司求禱不應賓臣言求雨必得奇門真傳人異其言聞之有司敦請之披髮仗劍立壇上以目視日竟日不下睫已而果雨觀者稱其術之神賓臣曰雨未足當再禱之明日烈日如故曰此劫數也奈何有司士民懇之不已乃至發祥寺登浮圖四級上下左右

披髮仗劍立壇上以目視日竟日不下曉已而果雨觀者稱其術之神賓臣曰雨未足當再禱之明日烈日如故曰此劫數也奈何有司士民懇之不已乃至發祥寺登浮圖四級上下左右悉以符篆封之且曰明午必大雨但從東南來可保無虞若從西北則吾命休矣因作書與家人訣次日未刻烈日中忽狂風大作霹靂環繞滂沱如注有老人見大鷹口含火丸旋塔左右勢甚可怖須臾天氣清明意爲無事及仰視賓臣已僵立於轟震中矣州人以賓臣爲百姓死立廟祀焉有禱輒應督學陳公爲文祭之

蕭志

瓊州府志

卷三十六

下人物 方伎

三

梁師授字傳心瓊山歲貢生自幼讀書潛心思索以身多病因業岐黃尤精王叔和脈法病者踵至戶外常滿師授診之安危立判嘗醫其婿病歸謂家人曰今者無恙明年將復發不可救也既而果然人皆神之壽八十五歲

採訪冊

廖相武瓊山庠生善畫馬而不肯輕以與人得其片紙寸幅者珍如拱璧

蒙定宇瓊山人以寫生名其家有傳神阿堵之妙

時稱廖蒙雙璧

俱同上

宋

雞窠小兒瓊山人太平興國中李員

通志作李守忠

為承

旨奉使至瓊逢一翁自稱楊避舉

通志作霞舉

年八

十矣邀員造其家見其父叔皆年一百一二十

通志作父叔連

祖宋卿年一百九十五梁上雞

窠中有小兒出頭下視宋卿曰此吾九代祖也

不語不食不知其年朔望子孫羅拜而已

舊志

劉遁瓊山道士也丁謂居洛治別業有仙遊亭仙

遊洞嘗與遁往來遁作詩贈云屢向仙遊亭上

醉仙遊洞裏杳無人他時駕鶴遊滄海同看蓬

瓊州府志

卷三十六下 人物

仙釋

四

萊島上春謂莫曉其意及南遷遇遁於崖始悟

為異人與之詩曰謫宦三年尙未回故人今日

又重來莫道崖州一萬里今朝須盡數千盃與

泛舟共飲曰今日成子詩意矣

陳仁嬌廣州南海人父玘寓瓊仁嬌嘗夢為逍遙

遊及寤每追思夢境不置忽八月望日有仙數

百從空招之仁嬌即隨眾昇舉宋元祐中降於

廣州進士黃洞家

王肱字君輔

輿地紀勝作公輔

家居儋城年百三歲猶童

顏人呼為百歲王六翁世傳天文占星多驗東

坡一日往拜不遇書其壁曰軾來 謁往莊未

還樞密折彥質謫居亦與之厚一日沐浴整冠
賀折日夜來觀星象公當還內果會赦移郴州
交趾道士年九十九別號漫叟因渡海船壞結庵
於萬州金仙水石上養一雞大如倒掛子日置
枕邊啼卽夢覺又養一猢猻小如蝦蟇以線繫
几案間道士飯已卽登几食其餘又有龜狀如
錢置盒中時使出戲衣袖間僧惠洪見戲指其
面曰公小人國中引道神也後莫知所之

白雲片鶴金明縣人爲道士自稱白雲片鶴宣和
初遊汴見趙鼎大呼曰中興名相人驚異之他
日又遇鼎曰吉陽相逢後鼎於紹興五年入相

瓊州府志

卷三十六下

人物

仙釋

五

未幾竄吉陽軍忽與白雲相見白雲曰憶疇昔
之言乎公將歸矣鼎果卒於崖

俱同上

僧和靖臨高毘耶山人生宋靖康丙午少慕佛祝

髮儋之松林嶺煊松飲露後往凌霄福地面壁

六年淳熙丙午冬功成騰化錫命有南天白衣

慈父之號鄉人陳道原

通志作元

以蛻骨塑像結庵

祀之時龍門村有葉牧童者時餽靖果亦蛻化
所善符族兄弟五人及松林嶺婦常供花果卉
服者俱解化去

參黃氏通志

白玉蟾姓葛氏名長庚瓊山五原人年十二應童
子試常於黎母山中遇仙人授以洞元雷法養

真於松林嶺長遊外方得翠虛陳尼九之術時
士夫欲以異科薦之弗就及翠虛解化於臨漳
玉蟾往來羅浮武彝龍虎天台金華九曲諸山
又於九曲作止庵丹竈尙存時或蓬頭跣足往
來塵市或青巾野服浮沉人間人莫識也博洽
儒書究晰禪理出言成章善四體書法尤精於
畫常遊西湖墮水中舟人驚救莫得明旦已在
水上後至臨江慧月寺之江月亭飲酣袖出詩
與諸從遊因躍入江流中衆呼舟人援溺玉蟾
出水面搵手止之而没人以爲水解矣是月又
見於融州老君洞嘉定中詔赴闕奏對稱旨命

瓊州府志

卷三十六下

人物 仙釋

六

館太乙宮一日不知所在所著有上清武彝指
鉉玉隆海瓊問道文集六卷續集二卷傳於世
自贊云神府雷霆吏瓊山白玉蟾本來真面目
水墨寫霜縑又曰千載蓬頭跣足一生服氣殮
霞笑指武彝山下白雲深處吾家蕭志
林道玖臨高人幼好老莊長悟元機結茅屋棲跡
呼名風雷立降雨澤嘗以履擲水中化爲魚身
常輕舉高數十丈又能豎旗劍於空中景炎二
年蛻解鄉人以爲異名其居爲崇真堂刻像祀
之曰妙道真人同上

元

僧月林澄邁人幼穎悟入山苦行修煉住持普明寺元文宗潛邸時賜金及楮幣甚夥未嘗私用留貯寺中年五十涅槃作偈曰昔不曾生今何曾滅月過長空清光皎潔趺坐而化焚時有五色舍利蕭志

僧無我俗姓林氏名龍瓊山人自少辭親出家穎慧過人妙悟禪理苦心修行建雷順塔於那廉橋後之廣州光孝寺坐化

僧佛功俗姓陳氏臨高人骨相資稟迥邁庸凡早年悟道雅慕達摩僧九年面壁之功至元戊寅常往西塘結茅隱居每以符水濟人有驗至正

瓊州府志

卷三十六下人物

仙釋

七

戊子春所居忽雲霧環擁坐化鄉人肖像立大海庵祀之俱同上

明

劉佛子臨高人幼好善壯不置室每春耕播種日卽絕粒惟茹菜果秋成乃復食年四十餘至買耶村廣福堂修煉悟道嘗著屐攀柳樹至其巔倒首先下以劍指樹其實自墜人皆異之洪武庚申積薪坐焚里人築塔於堂之左藏其餘燼凡遇災旱禱之有應蕭志

周思仁字愛卿瓊山庠生自稱一岳山人精於易學常居書舍有異人敝服垢面就思仁乞食數

來稍暝一日求宿館中思仁無難色夜分其人
忽變形衣服珍麗名思仁謂曰吾仙人也感子
相遇甚厚今有異術當授汝然未可以語仙道
也因取樹葉作書示之云異日上天君須記比
年入室君自吉未濟始到坎離宮既濟乾坤爲
侶終且戒之云吾去慎勿追言畢出門其行如
飛思仁潛修其術能知休咎以符呪治人疾病
卽愈或令人取雜物爲丸入口皆成香氣或以
簪珥化爲蟲蛇蠕動如生大率類介象軒轅集
云嘉靖丙辰來遊省城人爭求識之至填衢市
俛有大蠶集人衣領衆乃散去歸瓊山一年而

瓊州府志

卷三十六

下人物

仙釋

八

卒能逆知死期或謂思仁曾於族人郎中名世
昭者得異書讀之遂盡其法然爲人謹愿非欲
炫其術者年僅五十餘豈異人所謂未可語仙
道耶

馮啟字尙高號海秋瓊山人馮仕俊孫少業懦弱
冠有奇志通子史諸書尤精星數從仲父馮源
遊宦北歷燕趙南涉閩越凡值佳山水輒登覽
忘歸飄然有超世之思後遇謝道士傳役雷符
法歸構靜室終日焚香端坐州邑有病狂顛或
爲妖魅所乘者咸乞符祛救啟袖手屏氣揮毫
作符以片紙付之未抵家病者已先駭愕及至

焚飲其病卽愈好鼓琴吟詩每召此在唯利終
日句極清逸嘗預營樂邱於潭謝之濱有物如
毬紅艷流轉至坐室震聲如雷叟知必殆作詩
徧辭諸親舊而卒年八十四啟壙納棺有叟新
履步跡在內衆咸驚異

海天孤鶴姓唐名秩瓊山人別號水竹司徒唐公
胄次子也爲諸生時異人授以道書尤精符篆
會肅宗召方士秩至京遇旱禱雨立應時宮中
有鼠妖諸術莫除秩用符水驅之遂絕授官博
士召入紫霄宮京師號爲仙師隆慶初放歸至
淮安卒俱同上

瓊州府志

卷三十六下人物

仙釋

九

國朝

康熙三十五年五指山白日中雲鶴翔空香霧繚
繞有一仙人升舉空中語山中人云我三國時
徐庶也修煉千餘年久今得冲舉汝輩可傳與
世人知之蕭志

僧無非文昌人少年削髮入華封寺爲僧靜默修
道不與世爲緣晚年大開戒壇遠方來受戒者
數百人齋戒誦經日夜不輟又長於詩紳士來
遊者互相酬和年七十五坐化萬州志

僧見我文昌人少孤苦祝髮入沙門長齋誦佛日
無休息初寓萬州龍池庵繼遊陵水三昧庵後

隱於萬之覺林庵出入緇衣瞻視不苟凡禪門
徒弟一遇而惰慢全消並嫻於文詞喜與士人
賦詩贈答嘗建草子坡報恩寺整所積置田以
供佛臨終先覺一睡溘然而逝參萬州志
符八公失其名感恩縣十所人不著年代相傳兵
荒被番人所掠得修煉之術既而羽化番人爲
立廟祀之乃公不欲身留異域浮其尸於海至
十所至之日有廟御風而來珠梁香域備極輝
煌非人力旦夕所能構者公駕鶴以示曰此番
人之所建以祀我者也吾將棲止於是焉里人
奉其尸而祀之顏曰飛來廟屢著靈爽祈報輒

瓊州府志

卷三十六下人物

仙釋

十

應

感恩志

